

1021 Святых отцев VII Вселенского Собора

На Велицей вечерни, на Господи, возвах, стихиры Октоиха, воскресны 3 и восточен един: И святых отцев на 6, глас 6.

Подобен: Отчаянные:

Честныя соборы отцев, / в разныя времена составив, / во еди́но собра еди́нем и темже пра́вилом, / зело добре патриарх Герман Но́вый, / пиша купно же и держа догма́ты сѣх, / ѿже и молитвенникм бодрственная сия спасения, // Господу предлагает и пастве с па́стыри. **Дважды.**

Закона писание детем еврейским честную седмицу, / сени придерживающимся, и служа́щим сѣй, / ю́же отцы стекшеся на седмом соборе манием Бо́жим, / в шести днех все сие соверши́вшаго, / и седмый благослови́вшаго, / честне́йшую соде́лаша, // предел веры изложи́вше.

Троицу всем от вещей, миробытия сущую вину, ясно треблаженнии отцы: три бо и четыре соборы, таинственнейшим словом положившее, и отмстителие явльшеся православнаго слова, стиха четыре суща, и Троицу изъясните, создавшую сия, и мир сотворшую.

Добляше и единою жизнь вдохнути, лежащему сыну служащая, пророка Елиссея слячение зельно: обаче обратися седмижды, и приклоняшеся сему, провозвещая яко провидец ваша соборы, имиже умерщвление Божественнаго Слова водушите, Ария умертвившее, и его сверстники.

Кто Твою, Спасе, ризу раздрá; Арий, ты рекл еси: иже Троицы пресече единосостное начало в разделения: сей отверже Тя быти Единого от Троицы: сей и Нестория учит Богородицу не глаголати. Но собор иже в Nikei, Сына Божия Тя проповеда, Господи, Отцу и Духу сопрестольна.

Слава, глас 6. Самогласен:

Таинственная днесь д́уха трубы́ / Богоносныя отцы восхва́лим, / песнопевшия посреде цѣркве, / песнь сличную Богосл́овия: / Троицу Едину непремѣнную, / существ́о же и божество́: / низложители Арие́вы, и православных побóрники, / молящияся всегда Го́споду, // поми́ловатися душа́м нашим.

И ныне, богородичен первый гласа.

По входе прокимен дне, и чтения 3.

На литии стихиры храма. Слава, глас 3:

Апостольских преданий известнии хранителие бысте святии отроцы: Святыя бо Троицы единосущное, православно научившее, Ариево хуление соборне низложисте: с нимже и Македония духотворца обличившее, осудисте Несториа, Евтихия и Диоскора, Савеллиа же и Севира безглавнаго. Ихже прелести испросисте избавитися нам, нескверну нашему житию в вере сохранитися, молимся.

И ныне, богородичен: Без семени от божественнаго:

На стиховне октоиха.

Слава, отцев, глас 4:

Молебную память днесь, богоно́сных отцѣв,/ от всея вселенныя собравшихся,/ во свѣтлѣм граде Никѣ́йстѣм,/ православных собрания, благочествующе верно прѣзднуем:/ сии бо лютаго Ария безбожное велѣние/ благочестномудренне низложѣша,/ и от кафолическия церкви соборне того изгнаша,/ и ясно Сына Божия/ Единосущна, и Соприсносу́щна,/ прежде век су́ща,/ всех научиша исповедати во изображении вѣры,/ извѣстно и благочестно сие изложѣвше./ Темже и мы Божественным их повелением послѣдствующе,/ известно верующе служим,/ со Отцѣм Сыну, и Духу Всесвятóму,/ во еди́ном Божествѣ, // Троице Единосущней.

И ныне, Богородичен: Призри на моления:

На благословении хлебов, тропарь, Богородице Дево: дважды.

И отцев, глас 8:

Препрославлен еси, Христе Бóже наш,/ светила на земли отцы наши основáвый/ и теми ко истинней вере вся ны наста́вивый,/ Многоблагоутробне, сла́ва Тебе. Единожды.

На утрени, на Бог Господь, тропарь воскресен, дважды. Слава, отцев. И ныне, Богородичен: Иже нас ради.

Канон воскресен со ирмосом на 4: крестовоскресен на два: и Богородицы на два: и святых на 6, егоже краеграние:

Пою блаженных собрание седьмое.

Катавасия: Отверзу уста моя:

Кондак, глас 6. Подобен: Рукописаннаго:

Иже из Отцы возсияв, Сын неизречённо/ из Жены родися сугуб естеством,/ Егоже видяще, не отменяем зрака изображённа,/ но, сие благочестно начертáюще,/ почитаем вёрно./ И сего ради истинную веру Церковь держащи,/ лобызает икону вочеловечения Христова.

На хвалитех стихиры воскресны 4, и отцев 4.

Глас 6. Подобен: Все отложше:

Все собравше душевное художество,/ и Божественным Духом разсмотрívше/ небесный и честный символ вёры,/ честнии отцы богописанне начертáша:/ в немже явственнейше рóждшему/ собезначальнаго слова научáют,/ и всеистинно Единосúщнаго,/ апостольским последующее проявлено учёнием,/ благославнии и пребогáтии// и́стинно и богомúдри. **Дважды.**

Стих: Благословен еси, Боже отец наших,/ и хвально и прославлено имя Твое во веки.

Все приемше умное сияние Святаго Духа,/ преестественнейшее благословие краткими глаголы,/ и многим разумом Богодохновенно провещаша/ яко Христовы проповедницы,/ евангельских предстателие учений блаженнии:/ и благочестивых преданий,/ свыше приемше сих откровение яве,/ и просвёщешся,// изложиша вёру Богоначáльную.

Соберите Ему/ преподобныя Его.

Все собравшее пастырское искусство, и ярость двигше ныне праведнейшу, отмстительне тяжкия отгнаша и пагубныя вóлки, пра́щею Духа извергшее, от церковнаго исполнения падшия яко к смерти, и яко неисцёльно недúговавшия, Божественнии пастырие, яко раб́и и́стиннейшии Христо́вы, и Божественнаго проповédания тайнницы свящённейшии.

Слава, глас 8. Георгия Никодимийскаго:

Святых отцёв лик,/ от конец вселенныя стéкшийся,/ Отца, и Сына, и Дúха Святаго,/ еди́но существо научи́ша, и естество,/ и тайну богословия ясно преда́ша цёркви:/ ихже похваля́юще вёрою,/ ублажим глаголюще:/ **О** Божественный полче!// Богоглаголивии ору́жницы ополчénия Господня,/ звёзды многосветлыя мысленныя твёрди,/ та́инственнаго Сиона необорímии столп́и,/ миродохновеннии цвёти райстии,/ всезлатáя уста Слова, Никéйская похвалó,/ вселенныя украшénие!// Прилéжно молитесь о душа́х на́ших.

4

И ныне, Препоблагословенна еси Богородице Дево: Славословие великое. И отпуст.

И обычное исхождение в притвор.

Слава, и ныне, стихира евангельская.

На Литургии: Блаженна воскресна, на 6. И отцев, песнь 3 на 4. По входе тропарь воскресен, и отцев. Таже кондак воскресен: Слава, отцев: И ныне, Богородицы. Прокимен прежде воскресен: Таже, песнь отцев, глас 4. Благословен еси, Господи Боже отец наших, и хвально и прославлено имя Твое во веки.

Причастен: Хвалите Господа с небес: Другий: Рáдуйтесь: